



809

23-08-2016

M 97

Broj: 27-05-26040/16

Sarajevo, 22.08.2016. godine

KANTON SARAJEVO

Predsjedavajuća Skupštine Kantona Sarajevo

- O v d j e -

PREDMET: Odgovor u vezi zastupničkog pitanja Rasima Lakote – dostavlja se

Zastupnik Rasim Lakota, na 18. Radnoj sjednici Skupštine Kantona Sarajevo, održanoj dana 27.07.2016.godine, u okviru tačke Dnevnog reda "Zastupnička pitanja, inicijative i odgovori" postavio je zastupničko pitanje:

Zastupničko pitanje:

"Interesuje me da li je došlo do stvarnog smanjenja broja pasa lualica na ulicama Kantona Sarajevo, šta Vlada Kantona trenutno poduzima na tom planu i kada se očekuju konkretni i vidljivi rezultati na ovom planu?"

Odgovor na zastupničko pitanje:

Vlada Kantona Sarajevo je na 48. sjednici održanoj dana 30.06.2016.godine donijela Zaključak broj: 02-05-22359-7/16, kojim se zadužuje Ministarstvo komunalne privrede i infrastrukture Kantona Sarajevo da u saradnji sa KJKP „Rad“ d.o.o. Sarajevo i KJP „Veterinarska stanica“ d.o.o. Sarajevo, u skladu sa Zakonom o zaštiti i dobrobiti životinja ("Službene novine BiH" broj: 25/09), poduzme sve mjere i aktivnosti u vezi sa uklanjanjem opasnih pasa lualica sa ulica Kantona Sarajevo.

Nakon navedenog, Vlada Kantona Sarajevo je na 51. sjednici održanoj dana 21.07.2016.godine donijela Zaključak broj: 02-05-23810-25/16, kojim se zadužuje Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo da potpišu sporazum o saradnji sa svim veterinarskim stanicama registrovanim na području Kantona Sarajevo, koje iskažu spremnost za saradnju u poduzimanju mjera i aktivnosti uklanjanja opasnih pasa lualica sa ulica Kantona Sarajevo, te da navedena Ministarstva u saradnji sa Ministarstvom finansija Kantona Sarajevo obezbjede finansijska sredstva za aktivnosti iz potpisanih sporazuma.



Ministarstvo komunalne privrede i infrastrukture Kantona Sarajevo u saradnji sa KJKP „Rad“ d.o.o. Sarajevo i KJP „Veterinarska stanica“ d.o.o. Sarajevo, od 07.07.2016.godine pristupilo je poduzimanju mjera i aktivnosti po osnovu navedenog zaključka Vlade Kantona Sarajevo, a 27.07.2016.godine Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo zaključili su Sporazum o saradnji sa Veterinarskom stanicom Novi Grad d.o.o. Sarajevo, koji je stupio na snagu isti dan obzirom da je potpisan od strane ovlaštenih predstavnika sporazumnih strana.

Predhodno je Ministarstvo komunalne privrede i infrastrukture Kantona Sarajevo uputilo obavještenje svim registrovanim veterinarskim stanicama na području Kantona Sarajevo i ujedno uputilo poziv za učešće u navedenim aktivnostima, potpisivanjem Sporazuma.

U periodu od 07.07.2016.godine do 07.08.2016.godine, na području Kantona Sarajevo, ukupno je uhvaćeno 685 pasa lotalica i pasa bez nadzora vlasnika, od čega je KJKP „Rad“ d.o.o. Sarajevo uhvatio ukupno 584 pasa, KJP „Veterinarska stanica“ d.o.o. Sarajevo 19 pasa, a Veterinarska stanica Novi Grad d.o.o. Sarajevo 82 psa. Svi uhvaćeni psi podliježu veterinarskog obradi.

Veliki broj pasa smješten je u Azil u Prači i u Azil “Žunovica” Hadžići. Također, udomljeno je ukupno 32 psa, dok su 2 psa vraćena vlasniku.

Ministarstvo komunalne privrede i infrastrukture Kantona Sarajevo predložilo je nove aktivnosti u predmetu uklanjanja pasa lotalica i pasa bez nadzora vlasnika sa područja Kantona Sarajevo, koje je Vlada Kantona Sarajevo na 53. sjednici održanoj 15.08.2016.godine usvojila, te donijela Zaključak broj: 02-05-25151-35.10/16, kojim se:

-Zadužuje Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo da poduzmu aktivnosti za izvršenje registracije vlasničkih pasa na području Kantona Sarajevo;

-Zadužuje Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo da u saradnji sa Kantonalnom upravom za inspeksijske poslove Kantona Sarajevo podrže aktivnosti izvršenja registracija privatnih azila za pse na području Kantona Sarajevo;

-Zadužuje Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo da u saradnji sa registrovanim Udruženjima sa sjedištem na području Kantona Sarajevo čija je Statutarna djelatnost briga o zaštiti i dobrobiti životinja, pokrenu pilot projekat udomljavanja uhvaćenih pasa sa područja Kantona Sarajevo;

-Zadužuje Ministarstvo komunalne privrede i infrastrukture Kantona Sarajevo i Ministarstvo privrede Kantona Sarajevo da u saradnji sa Ministarstvom finansija Kantona Sarajevo obezbjede finansijska sredstva za realizaciju aktivnosti iz ovog Zaključka;



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1




Za realizaciju navedenih zaključaka zaduženo je Ministarstvo komunalne privrede i infrastrukture Kantona Sarajevo, Ministarstvo privrede Kantona Sarajevo, Ministarstvo finansija Kantona Sarajevo i Kantonalna uprava za inspeksijske poslove Kantona Sarajevo, te se trenutno poduzimaju aktivnosti po osnovu istih.

U cilju zaštite bezbjednosti građana Kantona Sarajevo povećan je broj uhvaćenih i veterinarski obrađenih pasa, sa kojima se postupa u skladu sa Zakonom o zaštiti i dobrobiti životinja ("Službene novine BiH" broj: 25/09), te dolazi do stvarnog smanjenja broja pasa lualica na području Kantona Sarajevo.

Neophodno je nastaviti sa implementacijom svih aktivnosti koje se sprovode u predmetu poduzimanja mjera uklanjanja pasa lualica i pasa bez nadzora vlasnika sa područja Kantona Sarajevo, te se ovom prilikom zahvaljujemo na podršci koju ukazujete i nadamo se istoj u budućnosti od strane svih zastupnika Skupštine Kantona Sarajevo.

S poštovanjem,



**PO OVLAŠTENJU MINISTRA
POMOĆNIK MINISTRA**

Adnan Begić
Adnan Begić

Dostaviti:

1. Naslovu ;
2. Kabinet Premijera;
3. Ministarstvo privrede Kantona Sarajevo;
4. Evidencija;
5. A/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

